



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

50

Broj: 01-04/01-04-53704-37/25
Sarajevo, 27.11.2025. godine

SKUPŠTINA KANTONA SARAJEVO

n/r Okerić Elvedina, predsjedavajućeg Skupštine Kantona Sarajevo

PREDMET: Odgovor na zastupničku inicijativu, dostavlja se

Cijenjeni,

Zastupnica u Skupštini Kantona Sarajevo **Elza Gaković** je u okviru 26. Radne sjednice Skupštine Kantona Sarajevo, održanoj 14.11.2025. godine, a u skladu sa članom 212. stav (2) Poslovnika Skupštine Kantona Sarajevo („Službene novine Kantona Sarajevo“, broj: 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24), uputila zastupničku inicijativu:

„Ministarstvo za odgoj i obrazovanje Kantona Sarajevo u saradnji sa Ministarstvom saobraćaja Kantona Sarajevo i Općinom Vogošća, hitno preispita postojeći sistem prevoza učenika koji stanuju na udaljenosti većoj od 2 kilometra od škole, te da poduzme mjere radi:

Uspostavljanja redovnog linijskog prevoza učenika na relacijama Blagovac I, Blagovac IV, Tihovići, ul- Ahmeda Rizve i Donja Jošanica I i II, gdje trenutno dolazi do poremećaja u saobraćaju i kašnjenja učenika.

Iniciram proširenje obuhvata besplatnog vanlinijskog prevoza na učenike iz navedneih područja koji nisu obuhvaćeni ugovorima o javnoj nabavci.

Usklađivanje kapaciteta autobusa sa brojem učenika koji koriste prevoz, kako bi se spriječile situacije prepunjenosti vozila i ugrožavanja sigurnosti djece.

Uvođenja mehanizma nadzora nad realizacijom prevoza učenika, uz obavezno uključivanje školskih uprava i vijeća roditelja u praćenje i prijavljivanje nepravilnosti“.

Odgovor:

u Ministarstvu za odgoj i obrazovanje Kantona Sarajevo (u daljnjem tekstu: Ministarstvo), zaprimljena je *Molba upućena ispred JU OŠ „Mirsad Prnjavorac“ Vogošća, za rješavanje problema prijevoza učenika koji stanuju na udaljenosti većoj od dva kilometra od škole, na područjima za koja postoji sistem redovnog linijskog prijevoza putnika.*

U molbi se navodi da, prema informacijama roditelja učenika, redovan linijski prijevoz često ne saobraća, što za posljedicu ima kašnjenje učenika na nastavu.

Shodno članu 14. Zakona o ministarstvima i drugim organima uprave Kantona Sarajevo („Službene novine Kantona Sarajevo“, broj: 40/2022) (u daljnjem tekstu: Zakon), propisano je: „Ministarstvo vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti predškolskog, osnovnog i srednjeg obrazovanja, kao i obrazovanja odraslih“.

Imajući u vidu prethodno navedeno, u nadležnosti Ministarstva, nije donošenje i realiziranje odluka koje se odnose na uspostavljanje redovnog i vanlinijskog prijevoza putnika u saobraćaju.

Članom 76. stav Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj: 27/24), propisano je:

- (1) *Kanton u saradnji sa Gradom Sarajevo, općinama i drugim zainteresovanim subjektima obezbjeđuje sredstva za finansiranje troškova prevoza učenika osnovnih i srednjih škola sa područja Kantona.*
- (2) *Prijevoz učenika može se organizovati u sistemu organizovanog linijskog prijevoza putnika ili vanlinijskog prijevoza putnika.*
- (3) *Svi učenici osnovne i srednje škole imaju pravo na besplatan javni linijski prijevoz tokom cijele školske godine.*
- (4) *Učenik osnovne škole kao javne ustanove ima pravo na besplatan vanlinijski prijevoz ukoliko:*
 - a) *stanuje na udaljenosti većoj od dva kilometra od škole koju pohađa,*
 - b) *pohađa školu koja pripada školskom području ili pohađa školu koja je fizički najbliža mjestu stanovanja, a po mjestu stanovanja ne pripada školskom području i*
 - c) *nema organizovan sistem redovnog linijskog prijevoza putnika kojim bi zadovoljio potrebu odlaska u školu i povratka iz škole.*
- (5) *U slučaju da učenik ima većih problema u kretanju, ima pravo na besplatan prijevoz i na manjoj udaljenosti od dva kilometra od škole koju pohađa i mjesta stanovanja učenika, i to korištenjem prijevoza kako je organiziran u školi koju pohađa i za učenike koji stanuju na udaljenosti većoj od dva kilometra.*
- (6) *Učenici sa teškoćama i učenici sa invaliditetom koji pohađaju centre ili druge obrazovne ustanove i nemaju posebno organizovan prijevoz za učenike, osigurava se naknada za prijevoz za učenika sa teškoćama/učenika sa invaliditetom i njegovog pratioca, i to korištenjem prava na jedan od načina kako slijedi:*
 - a) *ukoliko učenik ima mogućnost korištenja javnog linijskog prijevoza putnika, odobriti sredstva za kupovinu mjesečnog kupona za učenika i pratioca i*
 - b) *ukoliko učenik nema mogućnost korištenja javnog linijskog prijevoza putnika, odobriti sredstva u visini troškova goriva po predenom kilometru.*
- (7) *Pravo iz st. (4) i (6) ovog člana regulira se posebnim sporazumom o saradnji između Ministarstva, resornog ministarstva za saobraćaj i jedinice lokalne samouprave.*

Postupajući po predmetnoj molbi, uz akt Ministarstva, broj: 11-04/01-34-50117-1/25, istu smo uputili Ministarstvu saobraćaja Kantona Sarajevo na daljnje postupanje, čije su nadležnosti propisane članom 10. stav (1) Zakona: „Ministarstvo saobraćaja vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti saobraćaja“.

Prethodno navedenim aktom smo obavijestili rukovodstvo JU OŠ „Mirsad Prnjavorac“ Vogošća o poduzetim aktivnostima.

S poštovanjem,

Dostaviti:

1. Elzi Gaković, zastupnici u Skupštini Kantona Sarajevo
2. sekretaru Ministarstva,
3. a/a.

